

SCRIPT OF MORNING GOJRI NEWS BULLETIN 30JAN 2025

1015HRS

مارننگ گوجری نیوز بولیٹن 30 جنوری 2025

FOREST MINISTER

جنگلات ماحولیات تے قبائلی امور غا وزیر جاوید احمد رانا نے گزشتہ روز ماحولیاتی تبدیلی جنگلات تے ماحولیات غا مرکزی وزیر بوپیندر یادو نال نوی دہلی ماہہ ملاقات کرغے جموں کشمیر غے اندر ماحولیات تے قبائلی فلاح وبہبود متعلق معاملات ور تبادلہ خیال کیو۔ماحول غا ضمن ماہہ جموں کشمیر غو ذکر کرتاں ماہہ وزیر موصوف نے کہیو کہ جموں کشمیر غے اندر تقریباً ۲۵ فیصد زمین ور جنگلات ہیں تے مرکزی سرکار ناہہ مذکورہ علاقہ غیاندر پائیدار ترقی تے ماحولیاتی تحفظ خاطر بڑا پیمانہ ور مالی تعاون پیش کرنو چاہیے۔ اس میٹنگ غے دوران جاوید رانا نے کئی علاقوں غے اندر مٹی تے پانی غا تحفظ خاطر ۵۷ کروڑ روپیاں غا مالی تعاون غی پیش کش کی۔ اس تیں علاوہ موصوف نے قبائلی افراد غا ہجرت کرن آلا رستاں غی ترقی تے بہتری خاطر ۰.۱ کروڑ روپیاں غی مالی مدد تیں علاوہ شوالیک علاقوں غے اندر دوائی بنان ماہہ استعمال ہون آلا پوداں غا تحفظ خاطر ۰.۵ کروڑ روپیاں غی پیش کش کی ہے۔

TRANSPORT MINSITER

ٹرانسپورٹ غا وزیر ستیش شرما نے کہیو ہے کہ ڈرائیور تے گڈیاں ور ڈرائیور تے غی مدد کرن آلا دیگر افراد خاطر برا اڈاں ور آرام خاطر کمرہ بیت الخلا تے ڈرائیور سرائے بنان وستے کوشش کی جارہی ہیں۔ گزشتہ روز جموں ریلوے سٹیشن ور ایک طبعی کیمپ غ افتتاح غے دوران وزیر موصوف نے اس گل غو یقین دوايو ہے کہ ڈرائیور تے گڈیاں غا طبعی معائنہ خاطر ہر مہینے ٹرانسپورٹ تے صحت محکمہ غا سانجا تال میل نال طبعی معائنہ کیمپ منعقد کرایا جنیں غابواضع رہ کہ یوہ طبعی کیمپ گڈیاں لاریاں غا محکمہ نے محکمہ صحت تے ٹیکسی آپریٹر تنظیم غا سانجا تال میل نال منعقد کرایو تاجے اس شعبہ نال جُریا تمام افراد ماہہ صحت متعلق بیداری پیدا کی جاسکے۔ اس کیمپ غے دوران تقریباً ۴ سو ۰۵ ڈرائیور تے غے حصو لیوبی پی، شگر تے آنکھا غی جانچ کرانی۔

LG

لیفٹیننٹ گورنر منوج سنہا نے گزشتہ روز وکست بھارت نوجوان لیڈر گل بات ۲ ہزار ۵۲ پروگرام ماہہ جموں کشمیر غی نمائندگی کرن آلا نوجوانان نال ملاقات کی۔ اس دورام موسوف نے ان جوانان ناہہ مبارکباد پیش کی تے ذراعت شعبہ خاطر اُن غا خیالات ناہہ سراہیو قومی سطح ور منعقد ہویا اس پروگرام ماہہ جموں کشمیر غی نمائندگی چندر پرکاش سانیا سوروردی تے نیلش رامندلاور نے کی۔ ملاقات غے دوران ایل جی موسوف نے ان نوجوانان ناہہ اپنی تجاویز مزید موثر بنان غو کہیو تے مستقبل وستے نیک خواہشات غو اظہار کیو۔ اس دوران ایل جی موسوف نے ٹی وی پروگرام کون بنے غو کروڑ پتی غا ۶۱ سیزن ماہہ چندر پرکاش غی حصولیابیاں ور وی مبارکباد پیش کی گئی۔

GANDHI DEATH ANNIVERSARY

اڄ قوم مہاتما گاندھی کا ۷۷ واں یوم وفات تے شہیدی تہارہ گ اموقع ور اُن نانہہ خراج عقیدت پیش کر رہی ہے۔ اس موقعہ ور اڄ سویرے نوی دہلی مانہہ راج گھاٹ ور گاندھی سمدادی گا مقام ور سروا دھرم پراتھنا غو انعقاد ہویو۔ اُوع رہ کہ ہر سال ۰۳ جنوری نانہہ قوم مہاتما گاندھی نانہہ خراج عقیدت پیش کرے۔ اُن نے ہندوستان غی جنگ آزادی مانہہ بہت اہم کردار ادا کیو تھو۔ اس تہاڑہ نانہہ شہیدی تہاڑہ گا طور ور وی منایو جے۔ جس مانہہ جنگ آزادی غی خاطر شہید ہویا افراد غی قربانیاں نانہہ یاد کیو جے۔

BEATING RETREAT

پریڈ گا اختتام غی روایتی تقریب گزشتہ شام جموں گا مولانا آزاد سٹیڈیم مانہہ منعقد ہوئی۔ آکاشوانی جموں گا نمائندہ نے خبردتی ہے کہ اس تقریب غے دوران فوجی دستاں تے جموں کشمیر پولیس گا اہلکاراں نے برا جوش خروش نال حُب الوطنی غی کئی سسراں نال اُت موجود عوام نانہہ محفوض کیو۔ ایل جی موصوف اس تقریب مانہہ مہمان خصوصی تھ۔ اس دوران ایل جی موصوف نے فوج تے پولیس غا دستاں نانہہ انعام نال وی نواہو اطلاعات تے عوامی رابطاں گا محکماں غی طرفوں منعقد کرایا گیا۔ حُب الوطنی گاناں غا مقابلہ مانہہ شرکت کرن آلی ٹیماں نانہہ وی انعام دتا گیا۔ اس تقریب غو اختتام سارے جہاں سے اچھا تیں بعد قومی ترانہ ور ہویو۔

DGP

جموں کشمیر پولیس گا ڈائریکٹر جنرل نلین پرہیات نے گزشتہ روز فوجی دستاں نانہہ کہیو کہ وے ایک جُٹ ہوگے کام کریں۔ آکاشوانی جموں غا نمائندہ نے خبردتی ہے کہ ڈی جی پی موصوف فوج، سی آر پی ایف تے جموں کشمیر پولیس غا اعلیٰ افسراں نال اپنا کٹھوعہ غا دورہ غے دوران گل بات کر رہیا تھا۔ اُن نے تمام فوجی دستاں نانہہ ہدایت جاری کی ہیں کہ وے علاقہ غے اندر دہشت گرداں غی موجودگی ناہ مکمل ختم کریں۔ اس دوران ڈی جی پی موصوف نے کٹھوعہ غے اندر کئی سرحدی علاقاں غو دورو کیو تے اُت کیا گیا حفاظتی انتظامات غو جائیزو لیو۔

BADHAAL

ضلع راجوری غا گراں بڈھال مانہہ ۲۲ جنوری ۲۰۲۵ تیں بعد اُت غا رہائشیاں مانہہ کسے قسم غی بیماری گو کائے معاملو سامنے نہیں آہو لیکن ضلع انتظامیہ ڈپٹی کمشنر راجوری ابھیشیک شرما غی نگرانی مانہہ ان متاثرہ افراد وستے صحت تے کھان پین غا مکمل انتظام کر رہی ہے۔ موجودہ صورتحال نانہہ بہتر بنان خاطر ۳ سو ۴۶ افراد ور مشتمل ۷۸ کُنباں نانہہ بڈھال تیں راجوری مُنتقل کیو گیو۔ اس ضمن مانہہ ای ڈی ڈی سی، غی زیر نگرانی ایک کنٹرول روم وی تشکیل دتو گیو تاجے عوام غا مسائل غو فوری ازالو کیو جاسکے۔